

RĀRANGI B

TE RĀRANGI TIKANGA MATATIKA O ZAVÉST

Tīmatanga

Tā tēnei Rārangi he takitaki i ngā paerewa pāpaku mō te kawenga mahi me te whanonga kua oti te tūtohu e Zavést Limited mō ana kaihautū, ana rangatira umanga, ana kaimahi kirimana hoki i roto i ā rātou mahi pakihi katoa.

Te whāinga o te Rārangi he tiaki, he whakatairanga hoki i ngā uara o Zavést mā te whakatairanga i te kawenga mahi matatika, rangatira hoki. Mā te pēnei ka whakapūmautia e Zavést tōna ingoa rangatira, waihoki te ingoa o ana kiritaki kawē kaupapa.

Ngā Uara o Zavést

E poua ana te hononga o Zavést ki ana kiritaki ki runga i tētahi uara mātāmua kotahi:

- Te piripono ki ā mātou kiritaki; te hora ratonga mīharo ki a rātou i runga i te kakama me te ngaiotanga.

1 Ngā Tapatupatu Pānga

Kaua ngā kaimahi e whakauru ki ngā āhuatanga e taupatupatu ai ō rātou pānga whaiaro, e puta ai rānei he āhua taupatupatu o aua pānga, ki ngā pānga o Zavést, o tētahi kiritaki o Zavést rānei.

Kaua ngā rangatira o te umanga, ngā kaimahi kirimahi rānei e kawē wherawheratanga e puea ake ai te whakaaro kei raro i ngā mahi a tētahi kaiwherawhera kua oti te tohutohu tētahi pānga whaiaro, tētahi ariā pānga whaiaro ki tētahi takahanga, ki tētahi kaupapa e wherawheratia ana rānei.

2 Te Matatapu

Me mahi nui ngā rangatira o te umanga me ngā kaikirimana kia tiakina te matatapu o ngā mōhiotanga katoa ehara i te mōhiotanga tūmatanui, ka tūponotia e rātou i a rātou e kawē ana i tētahi wherawheratanga.

Kaua e whakapuakina ngā mōhiotanga matatapu ki tētahi hunga tuatoru hāunga ērā e whakaaetia ana e te ture, nā te whakaaetanga rānei a te tangata mōna aua mōhiotanga.

3 Te Tautuku ki te Ture

Ka noho ko te tautuku ki ngā here ā-ture, ā-kirimana katoa hei tūāpapa mō ngā uara me ngā pakihi o Zavést.

Ka mahi nui ngā rangatira umanga me ngā kaikirimana kia:

- Tautuku ki ngā ture me ngā whakaritenga whai pānga katoa.
- Tautuku me te mahi tahi i raro i ngā whakaritenga e tākina ana i tētahi whakaritenga kirimana ki tētahi kiritaki o Zavést.

4 Ngā Whanonga

He mea hira te tiro mai a te iwi whānui ki ngā kaiwherawhera e wherawhera kaupapa nei mō Zavést, ā, ka pā katoa taua tiro ki te kiritaki tonu.

Ka mahi nui ngā rangatira umanga me ngā kaikirimana kia:

- Kawe i ngā kawenga mahi Zavést i runga i te pono me te rangatiratanga.
- Kawe i tōna tū motuhake kia noho wehe i ngā kiritaki tohutohu, me te whakatairanga i taua tū motuhake ina kōrero ki te hunga tuatoru.
- Mahi i ngā wā katoa i runga tonu i ngā uara e tākina atu nei i tēnei tuhinga taketake Rārangi Tikanga Matatika.
- Tino atawhai i ngā tāngata katoa, kia rangatira ngā mahi kia whakautengia hoki i raro anō i ngā ture o Aotearoa.
- Kaua e mahia tētahi mahi e raru ai te ingoa pai o Zavést, o ana kiritaki rānei.

5 Te ū ki tēnei rārangi

Te tikanga kia matatau ngā Kaimahi katoa ki tēnei Rārangi. Ki te kore e ū ki te rārangi, ko te hua he mahi whakatika hē, ā, i ētahi wā ka whakamutua rawatia te kaimahi, ka whakahēngia rānei ana mahi.

Ka herea ngā rangatira umanga katoa kia waitohu kia piri hoki ki tēnei rārangi.

6 Te whakapūrongo i ngā āwangawanga

Ko ngā tāngata katoa ka mārāma ki tētahi takahanga, ki tētahi whakaaro rānei kua takahia tēnei Rārangi, me whakapūrongo ki te kaiwhakahaere kirimana kiritaki motuhake, i te tuatahi.

Mehemea e tika ana, me āta wherawhera te whakapae, me whakapūrongo hoki ki ērā atu kaihautū o Zavést.

Mehemea kua puta mai tētahi takahanga, tētahi whakaaro rānei kua takahia, ka pā pea ki te umanga, ki te tiro rānei a te iwi ki tētahi kiritaki, ka kawea wawetia mai taua takahanga ki mua i te kiritaki, me te hora i ngā mōhiotanga katoa mō taua take ki te kiritaki.

7 Tuhinga taketake

I te taha o ngā kirimana taketake e noho ana tēnei Rārangi hei tuhinga taketake, tūāpapa hoki hei āwhina i ngā mahi pakihī o Zavést.

Tērā pea ka hurihia, ka arotakea rānei i tōna ao pakihī panoni, engari me mātua piri ngā rangatira umanga me ngā kaimahi kirimana katoa e hiahia ana ki te noho hei wāhi o te rōpū Zavést, ki ōna ritenga.